

ANIJ EJ OŃAAKE AIKUJ EO

Kōttōpar ko an katak in:

- Kwaļok bwe e jab bwe kōmman ko an armej ñan kowānōk er.
- Kwaļok bwe Anij ej oŃake aikuj eo an armej kōn An letok iaļ in lōmoḡor
- Kwaļok bwe ej aikuj wor mej kōn jerḡwiwi.
- Kwaļok bwe jerḡwiwi ej kōjepel armej jān Anij

Meļeļe ko reļap ilo katak in:


- Jen lo bwe men ko armej rej kōmmani re jab bwe ñan kōllaajrak er ñan ippān Anij.
- Jen lo bwe oŃean jerḡwiwi mej.
- Jen lo bwe aolep armej re jepel jān Anij kōn aer jerḡwiwi.

Ke Adam im Iv raar jerḡwiwi, raar kile bwe rej keelwaan. Raar kūttiliek jān Anij. Bōtab raar kōmmane bar juon men ke raar kile bwe rej keelwaan. Raar kōmman aer nuknuk bōlōk. Ewi tokjān men in? Jen keememej bwe jej katak kōn karōk eo an Anij ñan lōmoḡoren armej. Bwebwenato in kōn nuknuk bōlōk ej juon waan joŃak kōn wāween an Anij lōmoḡoren ro rej lōke E.

1. Adam im Iv raar kōmmani nuknuk kōn bōlōk.



Jenesis 3:7,8 Im e peļļok mejeirro, im raar jeļā bwe re keelwaan; im raar āj bōlōk in wōjke fig im kōmman aer nuknuk. Im raar roñ ainikien Jeova Anij etetal ilo jikin kallib eo ke ear aemedļok, im ļeo kab lio pāleen raar tilekek jān iḡmaan mejān Jeova Anij i bwiljin wōjke ko ilo jikin kallib eo.



Ke eḡōj an Adam im Iv jerḡwiwi raar kajjioŃ oŃaaki aikuj ko aer make. Raar kōmmane nuknuk ko aer make jān elōñ bōlōk. Bōlen raar ļōmḡak bwe raar maroñ ḡooje aer keelwaan jān Anij. Raar kajjioŃ in ḡooje jerḡwiwi ko aer. Ilo bar juon wāween ba, nuknuk ko an Adam im Iv rej jutak kōn jerbāl ko aer make, ak men ko jej make kōmmani. Anij ear ļōmḡak ta kōn nuknuk bōlōk kein? Ear ļōmḡak ta kōn jerbāl ko an Adam im Iv?

2. Anij ear julok nuknuk ko me Adam im Iv raar kōmmani.

- * **Armej rej ri jerḡwiwi. Ej aikuj Anij bwe e jab maroñ make lōmoḡoren e.**
- * **Armej re maroñ kepaak Anij ilo wāween an Anij ba wōt.**



Jenesis 3:21 Im Jeova Anij ear kōmman ñan Adam im lio pāleen nuknuk jān kilin kidu, im kanuknuk er.

Etke Anij Ear kōmmane men in? Ta Anij ej dike nuknuk bōlōk ke? Ekwe jen keememej bwe ewor tokjān aolep men ko im Anij Ej kōmmani.

Jen keememej bwe nuknuk bōlōk an Adam im Iv rej jutak kōn maroñ eo an armej. Raar lōmṇak bwe Anij enaaj bōk er kōn aer ṇooji aer keelwaan. Bōtab eṇōj aer jerōwiwi, im oṇean jerōwiwi mej. Jerbal ko ad remman re ban ṇooji ad jerōwiwi. Jerbal ko ad re ban kabuñbūruōn Anij.



Aiseia 64:6 Bwe kōm otemjej kōmij āinwōt juon eo ettoon, im men in wānōk ko am rej āinwōt juon nuknuk e bwidejdej; im kōm otemjej kōmij aemedlōk āinwōt juon bōlōk; im jerōwiwi ko am āinwōt juon kōto, rej bōklōk kōm.

Anij ear joḷok nuknuk bōlōk ko me Adam im Iv raar kōmmani.

- Anij ear kōṇaan katakin er bwe re jab maroñ kōmman **jabdewōt men** ñan kōllaaajak er ñan Anij.
- Anij e ban bōk jabdewōt jermal an armej ñan kowānōk er.
- Anij ej bōk wōt men ko me rej ekkar ñan ankilaan.
- Ejjelōk armej e maroñ kōmman bwe en eṇman iṇaan mejān Anij kōn men ko ej make kōmmani.

Ilo raan kein, elōñ armej rej lōmṇak bwe eḷaññe rej jar ilo Jabōt ak mour juon mour eṇman, bwe enaaj kalibubu ak juḷok nana ko me eṇōj aer kōmmani. Men in e bōd. Anij e ban bōk jabdewōt men jej kōmmani. Jej aikuj kepaak Anij ilo wāween An ba. Je maroñ lōmṇak bwe eṇman jermal ko ad, ak Anij ej ba bwe jej aikuj in mej kōn ad jerōwiwi.

Bōtab Anij ear jab juḷoki nuknuk ko an Adam im Iv wōt im ṇōj! E make ear kōmman ñan er jet bar nuknuk. Jen bar read ṇōk Jenesis 3:21:



Im Jeova Anij ear kōmman ñan Adam im lio pāleen nuknuk jān kilin kidu, im kanuknuk er.

Etke Anij ear kōmman ñan erro nuknuk kilen kidu?

3. Kilen kidu eo ej jutak kōn Jijej im mej eo An.

Eṇōj ad katak kōn kallimur eo me Anij ear leḷok ñan armej ikijjien lōmṇor.




Jenesis 3:15 Im Inaaj likūt kōjdat ikōtaam im kōrā eo, im ikōtaan ineem im ineen. Enaaj kōkkure bōraṇ a kwō naaj kōkkure jimwin neen.

Ilo eon in jej lo unleplep eo ilo Baibōl. Ewi unleplep eo? **Anij ear erom armej bwe En mej kōn armej im jujen karōḷ armej ñan e.** Aolepen Baibōl ej kōnono kōn Jijej. Kilen kidu ej juon waan joñak kōn Jijej im mej eo an. Bwe?

1) **Mokta**, ejjelōk ṇotaan kidu eo im ejjelōk ṇotaan Jijej. Wōn ear ṇōñā leen wōjke eo? Adam

ke kidu eo? Adam im Iv raar mōñā leen wōjke eo, innām ekkar bwe ren mej. Ejjeļok ruōn kidu eo, bōtab Anij ear man e. Anij ear katqorļok bōtōktōken kidu im kōmmane juon nuknuk kake bwe En kalibubuiki an Adam im Iv keelwaan.



Ejjeļok ruōn kidu eo, bōtab Anij ear kakememej Adam im Iv bwe oņean jerowiwim mej. Ilo mool, kōn an menninmour eo mej ilo jikin Adam im Iv, e jab meļelein bwe e jako jerowiwim ko aer. Bōtōktōken kidu eo ear jab maroñ in joļok ruōn Adam im Iv.



Hibru 10:4 Bwe bōtōktōken kau kōmaan im got ko e ban jeorļok jerowiwim ko.

Bōtab Anij ear kōmman men in bwe en kakememej er bwe ñe ewor jerowiwim, ej aikuj in wor mej. Kab, kidu in me e mej ej kwaļok juon waan joñak kōn Jijej eo enaaj itok im mej kōn jerowiwim ko an armej.



*** Anij e kwōjarjar im wānōk. Ej ba bwe ro rej jerowiwim rej aikuj in mej.**

Baibōl ej ba bwe ejjeļok ruōn Jijej. Ear jab jerowiwim ñan jidik. Bōtab Ear mej. Etke ear mej?

2 Korint 5:21 Eo Ear jab jelā jerowiwim [Jijej], Ear [Anij] kōmman E [Jijej] jerowiwim kōn kōj, bwe jen erom wānōk an Anij ilo E [Jijej].

2) Kein karuo, nuknuk ko raar men in litok an Anij, im Jijej Ej men in letok an Anij. Anij Ej tūriaṃo im jouj. Meñe eṃōj an Adam im Iv kāālōt jerowiwim im mej, Anij Ear jouj ñan erro. Meñe raar jab reilok ñan Anij im kajjitok Ippān bwe En jipañ er, Ear jipañ.

*** Anij e jouj im eṃman.**

Wōn ear kōmmani nuknuk kein? Anij ke armej? Anij. Wōn ear jilkintok Jijej? Anij ke armej? Anij. Ilo waan joñak, Anij Ear jab ba ñan er ālikin aer jerowiwim, “Eṃōj Aō kōmman jet kien. Eļaññe komij kōṃnaan mour ilañ, kom naaj aikuj kōjparoki.” Im Anij ear jab ba, “Enaaj bwe eļaññe komij make kalibubuik kom. Komnaaj maroñ in roļol ñan Ippa eļaññe komij kōmman ami nuknuk.”

Armej ejab maroñ kōmman jabdewōt men ñan jidik bwe en wānōk. Men in ej jermal wōt an Anij.



Rom 10:6,7 Wōn enaaj wanlōñļok ñan lañ āinwōt bwe en āñinlaļtak Kūraij. Wōn enaaj wanlaļļok ilowaan abys eo āinwōt bwe en āninlōñtak Kūraij jān ro ri mej?

Ejjeļok. Lōmoqor indeeo ej jermal wōt an Anij! Meñe jaar kāālōt jerowiwim, Jijej Ear mej kōn kōj. Meñe je jab kijoñ reilok ñan E, Ej reitok wōt. Je jab mour indeeo kōn jermal ko ad make; jej mour indeeo kōn jouj an Anij.



Rom 5:8 A Anij Ej kwaļok kadkadin An iqkwe ilo men in, ke jaar ri jerowiwim, Kūraij Ear mej kōn kōj.

3) Kein ka jilu, nuknuk kilen kidu ear kalibubuik an Adam im Iv keelwaan, im bōtōktōken Jijej ej kalibubuik ad jerōwiwi im kawānōk kōj. Eļāñņe kwaar tuṃwi jet bwiliken juon wōjke, wōjke eo enaaj kar mej ke? Enaaj kar tōṛ bōtōktōk ke? Jaab. Anij ear ṃan juon kidu bwe en kalibubuik Adam im Iv. Anij ear ṃan Jijej bwe jen maroñ in wānōk. Mour indeeo ej kōn bōtōktōken Jijej. Naaj elmān an jermal ko ad kawānōk kōj eļāñņe jej wānōk kadede kōn jouj?



Rom 4:5 A ñan eo e jab jermal a ej lōke Eo Ej kawānōk ri jerōwiwi, watōk an tōmak āinwōt wānōk.

Eoon eo ej ba jej jermal ke jab jermal? Ej ba jab jermal.

Barāinwōt Rom 5:9 ej ba,



Innām en laṗlōk, iien in ke eṃōj kawānōk kōj ilo Bōtōktōken, naaj lōmōṛen kōj jān illu kōn E.

Kilen kidu eo ear kakememej Adam im Iv bwe oṇean jerōwiwi mej im bwe Jijej wōt e maroñ karreoik im kawānōk kōj. Ekwe, jen āliji:

Nuknuk Bōlōk	Kilen Kidu
Jermal an armej	Jermal an Anij
Wōjke eo ear jab mej	Kidu eo ear mej
Ear jab tōṛ bōtōktōk	Ear tōṛ bōtōktōk


Ejjeļok kajjitōk bwe bōtōktōken Jijej Kūraj ej karreoik kōj jān jab wānōk otemjej.

4. Anij ear kadiwōj Adam im Iv jān jikin kallib eo.

*** Anij e kwōjarjar im wānōk. Ej ba bwe ro rej jerōwiwi rej aikuj in mej.**



Jenesis 3:22,23 Im Jeova Anij ear ba, “Lo, armej eo ej āinwōt juon Iad, kōn an jeļā eṃṃan im nana; im kiiō, ñe ab kōteļlōk pein, im barāinwōt bōk jān wōjke in mour, im ṃōñā, im mour indeeo;” - Kōn men in Jeova Anij ear jilkinlōk e jān jikin kallib in Iden, bwe en kallib āneo eṃōj bōk e jān e.



Anij Jemād, Anij Nejin, im Anij Jetōb Kwōjarjar raar kōnono ippān doon. Men in ejab katakin kōj bwe elōñ jilu anij. Ej katakin bwe elōñ jilu ilo Juon. Ejjeļok kajjitōk bwe elōñ juon wōt Anij me ear ṃokta jān aolep men im ear kōṃanṃan aolep men. Anij in ej Jeova.



Aiseia 44:6 Āindein Jeova, Kiiñ in Israel, im an Ri Lōmōṛ, Jeova in ineļap eo ej ba, Ña Jinoin, im Ña Jemlōken im e bar ejjeļok Anij ijjeļokō.

Ke Anij Ear kōmanman Adam im Iv, raar jab jeļā kōn jerōwiwi ak nana. Aolep men ko im Anij Ear liļok ñan er reṃman. Anij Ear jeļā ta eo eṃman im ta eo nana. Adam im Iv ren kar lōke E bwe En kōjparok er jān nana. Bōtab raar kōṇaan make jeļā. Ke eṃōj an Adam im Iv jerōwiwi raar kile bwe elōñ men re jab eṃman. Raar kile bwe re keelwaan. Raar jook im mijak. Raar jeļā kōn jerōwiwi.

Ren kar lōke Anij, bwe Anij ear yokwe er, im E jeļā ta eṃman ñan armej.

Anij ear ka mo an Adam im Iv ṃōñā jān leen wōjke in mour kōnke raar jab pokake E. Adam im Iv raar kāālōt jerōwiwi im mej. Je jeļā bwe Anij e jouj. E jab kōṇaan bwe jabdewōt armej en mej a bwe aolep ren mour indeeo. Innām etke e jab kōtļok peir bwe ren ṃōñā jān leen wōjke in mour im mour indeeo?

*** Anij e utiej jān aolep im Ej irooj ioon aolep men.**

Eļañne raar ṃōñā jān wōjke in mour, innām renaaj kar mour wōt āinwōt ri jerōwiwi. Ilo ṃool, Anij e jouj ñan er, bwe Ear jab likūt bwe ren wanṃaanļok ilo jerōwiwi ko aer. Renaaj aikuj in mej. Ak ilo wāween in, Anij ej kōṃman iaļ bwe Juon en mej ilo jikier bwe ren mour indeeo.

Anij ear jab kajjitōk ippaer kōn kōṇaan ko aer. Anij ej Irooj ioon aolep men, im Ej pepe kōn ta eo jen kōṃmane. Anij ej dike ñe armej re jab pokake E, im E ban likūt bwe ro re jab pokake ren mour Ippān.

5. Anij ear likūt juon enjeļ bwe en ri waaje jikin kallib eo.



Jenesis 3:24 Āindein Ear kadiwōjļok leo, im Ear likūti reear in jikin kallib in Iden, Kerūb ko, im jāje urur, eo ej ukukot ijo ko otemjej, bwe en baare iaļ an wōjke in mour.

E alikkar bwe ejjeļok juon men im armej re maroñ kōṃmani bwe ren mour indeeo. Re ban ṃōñā jān leen wōjke in mour kōnke elōñ enjeļ raar lale jikin kallib eo. Eļañne Adam im Iv re kōṇaan mour indeeo renaaj aikuj lōke Anij im E wōt. Renaaj aikuj lōke kallimur eo An kōn Jijej.

Ke armej raar lo enjeļ ro renaaj kar kile bwe rej ri jerōwiwi. Renaaj kar keememej bwe rej jepel jān Anij im juen jepel jān mour. Im eļañne raar kajjioñ in deļoñ ilo jikin kallib eo, enjeļ in enaaj kar ṃan er.

Eļañne Anij ear kōtļok aolep armej bwe ren deļoñ im ṃōñā leen wōjke in mour eo, re naaj kar ṃōṇōṇō in ṃōñā, bōtab re ban kar būromōj kōn bōd ko aer. E nañin aolep armej re kōṇaan mour indeeo, ak jet wōt re kōṇaan oktak jān bōd ko aer. Āindein kōj ilo raan kein. Je kōṇaan bōk jeraamman ko jān Anij, bōtab je jab kōṇaan oktak jān jerōwiwi ko me rej kaṃōṇōṇōik kōj iuṃwin jidik iien. Jen keememej bwe meñe jej ṃōṇōṇō ilo jerōwiwi iuṃwin jidik iien, ad eñtaan kōn jerōwiwi ko ad e ban iuṃwin jidik wōt iien. Enaaj ñan indeeo.



Jerbal 4:12 Im mour ilo ejjeļok bar juon, bwe ejjeļok bar juon āt iuṃwin lañ im letok ñan armej bwe jen mour ilo E.

Kajjitōk ko:

1. Etke Anij ear juḷok nuknuk ko me Adam im Iv raar kōmmani?
2. Juon armej e maroñ ke make kōmman juon men bwe en kōllaajrak e ñan ippān Anij?
3. Ewi jet iaan men ko ilo raan kein me armej rej kōmmani ilo aer kajjioñ in kōmman bwe Anij en mōḥōḥō kake er?
4. Ear wor juon wōt me ear maroñ in kōmman bwe en bwe mour eo an Adam. Wōn eo?
5. Etke Anij ear man juon menninmour bwe En kōmman nuknuk ñan Adam im Iv?
6. Ilo wāween rōt kidu eo e mej ej āinwōt Jijej?
7. Etke Anij ear kadiwōj Adam im Iv jān jikin kallib eo?